

梅

里

志

梅里志卷第九

里人楊

謙纂

李富孫補輯

余

林續補

李保宸參校

仕宦

〔補〕古人學優則仕其居官蒞政必能展其經猷有裨於國計民生里中先達出膺民社敷歷朝廷皆多名績可紀並著之以備史策所采云

後晉

王達字達之晉天福時爲嘉興鎮邊使仕至柱國大夫工部尙書始構屋梅谿聚貨貿易因名王店子令鄭孫延福皆成

進士任御史厯官銀青光祿大夫太子賓客

明

李芳字叔承號繼泉嘉靖乙丑進士知曲周縣事清勁明恕力行保甲擒大盜遠近肅然縣多曠泐教用江南法桔槔灌漑高者使種木棉盡成沃壤時江陰多逋賦又多盜令坐贖職者數人遂移芳治焉定賦役創城中倉以便轉輸浚桃花港歲貢鱗魚賠費無算議改折以便民白糧積欠數萬段御史奉命專督人情洵洵芳議以錢布償米而盡革總部令區長各持籌上計清往牒嚴新規於國計民情兩便段大喜題請各郡如江陰例以高等徵入尋中畫語遷饒州郡丞遂投

檄歸時年未四十慕義施仁一鎮德之有花癖蒔牡丹百餘種爲譜以續歐陽善山水花鳥夷猶林下者四十餘年江陰人爲建祠崇祀名宦子原中字君時少博學子史百家之書無不該覽萬厯己丑進士令溧陽政尙慈和案無畱牘主隄務卻羨金改大名學職有巨室殺人數載獄不決檄治之竟抵死陞國子監助教以父老乞歸天啟中舉鄉飲賓年九十  
三卒

王三錫字汝命號介湖嘉靖癸丑進士任保定府推官守制歸里移家桐鄉適倭寇數萬入寇勢甚猖獗參將宗禮軍覆阜林巡撫阮鶚移鎮邑城賊首徐海陳東等四處結圍攻甚

急阮同邑令金燕趣召士紳共難三錫在焉時城未完固不知兵錫協謀設策親冒矢石先散千金懸賞格募收死士夜出劫賊多所斬獲海製雲梯二座夜牽其一於城下焚之一其傍北水門樓高於城數尺賊鎗已進塚矣時用鐵鎔汁灌灑之賊墮樓死者甚衆海計畧窮陳東葉麻又力爲撞木攻東水城門城幾陷有爲縉挽計者錫與阮金二公親挽之船來不得去隨用鑄鉤布索縛而鋸之賊懼宵遁相持月餘流矢貫髮尤石過脇下終不肯避事平阮中丞薦於朝不果用後建三公祠於城隍廟間壁祀公及阮金二公焉

李應徵原名衷毅字伯遠號齋巖萬曆癸酉應天鄉試中式

時同郡沈思孝官刑部劾江陵奪情廷杖謫戍應徵高其氣  
節以女妻其子士龍工詩間及時事爲忌者文致定陵原其  
無他得免避跡湖州會思孝解職歸與應徵同游數載凡名  
勝率多兩人題詠歲丙午廷議察天下孝廉實行著聞者兩  
浙七人應徵首列屢上春官不第選授壽州學正有友羅元  
甫者同謁選未得官旅食不給爲請於部願以已職讓之冢  
宰嘆曰以柳易播此義久不見矣許之尋授臨安教諭擢南  
國子博士卒補明詩綜詩話先生以才望自高老就四門博  
士詩取材開寶匠法宏正是時七子之習變爲  
叫喚公安之派漸已遙承  
先生力返正始卓然名家

王允昌字永叔三錫子自王家兜徙居里中萬曆辛卯順天

舉人授思州司馬

種湯志作推官

陞貴陽董稅郡丞天啟改元永寧

宣撫使奢崇明據城叛衛官盡降永寧貴陽屬也昌度兵寡

難拒自誓必死迺以印及錢糧冊遣吏間道上之撫按

種一統志

作允昌刺血草三書繳印上官

亡何賊來索印昌縊死一門十三人悉受屠

戮子世駿還鄉以死事聞如例給祭葬贈光祿寺卿世襲錦衣千戶子世駿廕孫永隆襲

李衷純字廣霞號元白少以詩文受知於王弇州爲錫山願

端文高弟萬厯壬子順天舉人令如皋邑瀕江被齧者時復

吐爲洲多爲豪家佔業民獻田武弁以戈船載收禾稼勢猖

甚純陳說利害事迺解大盜薛良金嘯聚倚洲爲窟追捕殲

之上游有牙橋河故張士誠所濬久填塞姦民証饑使復

濬阻漕渠淤商艘純窺形要密具土甃石一夕而填塞復故  
政成內擢擬以臺省用中朝多以東林黨人目之會逆璫用  
事遷南工部主事督開蕪湖轉兵部員外出知邵武屬邑光  
澤有杉關之稅飽太守私橐者十之五純請充餉以省加派  
擢兩淮鹽運使時政壞商困特設翻綱疏壅鹽足餉任未一  
載而解度支者計八十餘萬魏大中死逆奄之難經紀其後  
事賀燦然子幼孤而貧獨贊助之婚天啟中舉鄉飲賓年七  
十六卒崇祀鄉賢祠

補明詩綜詩話元白詩上溯建安下逮  
大愿可稱通才令如皋治聲冠於江北

文學政事四  
科遂居其二



鄭士奇字平子號青城萬厯戊午舉人司鐸新城尋調靖江崇禎中遷江西興國令縣多銅弊徵輸耗羨十溢二三民以重困逋課益多士奇至悉蠲除之常賦外不溢銖黍民爲感激泣下品孤高性至孝又重聽蒞任八十三日卽棄職歸養賦八十日官歸去來辭以見志歸裝止攜天目松一本手植齋庭日撫松煮茶賦詩郡邑長吏暨鄉縉紳踵門榮弗獲見李士標字霞舉應徵子負氣節能詩入太學以積分試上等授上林苑丞遷山東寧海州同知崇禎壬午冷口兵入圍州城甚逼時知州汪逢淵未至官戰守具皆士標綜理厯三月城中食盡而逢淵從間道馳至士標疾篤臥起城上督守益

力癸未二月病卒而城遂陷士標妻沈氏率其妾婢僮僕二十三人同日死子寅聞變徒步往負父母骸骨以還巡撫右僉都御史曾化龍上其事贈尙寶司丞 國朝乾隆四十一年 詔入祀忠義祠

李自明字先修

補司志作  
克修誤

號少白以歲貢謁選除揚州府訓

導攜幼子鳳侶自隨課士嚴明有法化洽一郡甲申京城陷自明北面再拜號泣勺水不入口者累日進諸生於庭激以大義皆感勵未幾淮上失守官屬望風宵遁自明身攝數篆視事如常史可法兵敗郡城失守父子相對縮於學宮

補司志家

人從死者十餘人自明性  
傲凡好飲酒詩文有奇氣

吳鑄字鼎吾崇禎十年進士除廣信推官廣信地界浙閩山谷深窳四方亡命相聚爲盜蹂躪數郡莊烈帝敕各司會勦撫按知其才檄公監紀軍事會華亭陳子龍以紹興推官監浙軍因合謀直搗其巢穴斬僞大王吳救貧生擒千里眼九爪龍等十七年春有旨內召甫治裝福王監國詔至起公吏部主事授禮部祠祭明年春奉使在塗陪京

遂道跡梅

里杜門不與人事順治三年巡撫疏薦堅不起

續李世科字登之號南崖歲貢生官江西武甯知縣父醅字元厚歲貢生海鹽人少孤長爲梅里王明府廷宰贊堦遂家於里而子孫世居之今所謂假山李氏是也世科喜博覽嗜

春秋左氏在官多惠政縣西有水月亭踞龍潭石罅風景清絕公餘與二三名士觴咏其上既而日以五斗米折腰不幾爲淵明所笑乎遂乞休士民號泣有送至百里外者

梅里詩輯

李世和字節之號鶴洲歲貢生官魯王府典膳世和爲世科之弟淹貫經史有二難之目魯王故豪侈謙飲無度公於供億每多裁抑王素重其名曲從之詩追漢魏尤長於樂府上李朝縉字子推號新泉萬曆癸酉副榜官江南涇縣訓導涇縣山陬荒僻人鮮知學先生盡心勸督先實行次文藝士知淬勵風尚爲一變云

同上

李貞開字叔泰號華庵歲貢生官江南太平縣訓導擢會昌

縣知縣貞開自少以尚書名家江南學者多宗之爲司訓啓後學津津不倦大僚屬騰薦牘爲縣令政治勤明嘗詣各鄉驗民貧富及丁稅多寡第上中下籍記之遇有徭役按輕重使之值歲大饑亦卽按籍以賑他邑多遺濫公獨無之內官奉命采辦率凌逼誅求供億良苦公獨不爲動內官畏其強項民賴以不擾性廉介時有天下清官李會昌之謠

同上

李正華字就實號虛航貢生官淮安府教授贈兵科給事中爲節愍公之父少時曾有拒奔事爲學官待士有恩諸生某因貧逋賦縣申學使者先生捐俸代輸之得免黜貧而能文者輒資送棘闈或得志倍資以酬堅郤之其他多類此

同上

李毓新字喬之號雲岑崇禎十年進士授潮州推官時惠潮流寇作亂毓新監紀軍務條上十二事用其議以平又建議築豐順城屹爲重鎮閩寇姜犯饒平大埔後先十餘戰奏捷毓新首功行取未赴福王時擢兵科給事中歸乙酉城破與徐石麟等同日死子禎先抱父屍亦死

袁志

國朝乾隆四十

年 賜諡節愍加祭一壇公理潮值歲旱禱雨有二龍見通濟橋大水驟至公登陴拜祝龍遊水退潮多蠱魅爲妖火公爲文禱之火悉滅潮人比之昌黎祭鱷魚至今稱神焉

同上

李登瀛字叔遠號學洲康熙貢生官四川梓潼縣知縣登瀛爲節愍公少子節愍殉難登瀛纔九齡賴母氏教養成立通

今古善文章補諸生後遨遊公卿間爲負米計留心經濟工於奏疏督撫爭相延致大司馬靳公輔爲河臣資以畫諾是時河奪淮泗故道登瀛議開中河以避二百里洪濤之險槽艘民船至今賴之靳公爲治河名臣凡所措施皆登瀛導之也梓潼自獻賊蹂躪後井邑蕭條登瀛至繕城垣修學校勸開墾招商賈不數年遂成富庶公餘進諸生論文講學爲歡以積勞致疾卒於官士民慟號爲建祠立碣焉

同上  
以續補

國朝

王庭字監卿號言遠又號邁人少負文名崇禎丙子舉孝廉爲張天如楊維斗所推服嘗渡江謁念臺劉公於陽明洞中

舉陸象升所講喻義章君子小人之介反覆辨析劉公深爲  
嘉歎順治三年庚子時天下初定兩廣猶負固豫授廣州  
知府往...軍穿敵壘渡危瀧日督諸將攻戰粵東西尋  
獲底定公與有力焉擢廣西左江道按察副使值餘孽李定  
國倡亂勢甚熾連破州郡孔藩死之公單騎馳赴以大義激  
勵將士據危城...兵至轉運芻餉無匱乏密與定計擒  
其渠魁殲之遂不轉川北道布政使參政提督學政公明造  
士有文翁化蜀之風晉四川按察使擢江西右布政使先是  
江西南昌一郡自陳友諒割據後兵燹頻仍地瘠費重類多  
橫徵溢常以數倍民甚苦之公力請蠲除士民咸感激泣下



建生祠以頌德焉尋持母喪歸服闋補山西右布政使以冰  
葉之操倡屬吏有進謁者輒勗令牧養百姓慎出納吏不得  
上下其手也何吏議裁缺當另補公曰可以止矣遂賦遂初  
杜門謝絕以明道著書爲己任郡守袁公重之請主講席於  
希聖堂後築前賢所未發范學博刊其講義行世中丞趙公  
玉峯見之嘆曰宗風不墜賴有斯人矣公制義堅凝削刻自  
成一子言詩出入陶韋律得杜法晚乃汎濫唐宋諸家年八  
十七卒崇麻鄉賢祠

蔣真字聞大號丹崖崇禎丙子舉人出黃公端伯之門以父  
老不就會試癸未特開科增進士名數或以勸薰薰曰使吾

成進士而老父懷三千里之憂吾弗忍且天下事甚未可知  
何爲遠游哉順治初選授縉雲縣教諭講學會文拔麻成璋  
鄭載颺於諸生中後先取科第出孝子李華罪遷伏羌令縣  
臨極邊年饑流移載道覈徵輸之數積逋三萬五千言之上  
官請豁上官不允又請革除濫徵夙弊勒碑衢道巡撫允焉  
於是司府怒不可解誣列罪狀巡撫以爲過奏彈文曰處凋  
殘之地雖無苛政及民然住近迂闊賦詩立碑催科不力宜  
加處分爲曠職之戒落職歸自稱南村退叟終年不入城府  
日以詩文自課年八十四卒

朱昇字子旦號方菴性沈毅于學總大義洞見本原嘗註杜

子美詩於諸家紕繆多所是正崇禎壬午舉於鄉順治初自海寧徙居梅里銓授樂清教諭己亥成進士康熙癸卯司理東昌時有于七之獄案連數郡其時獄尙周內數歲不決昇受案論當者決餘悉出之不逾時定大案數十皆獲平反五載將上最適奉裁天下李官復除川南之峨眉令至則除一切無藝之征於民兵之害農者諸流亾得令自占務去苛細樂爲清靜其達治體也如此旋引疾歸民跣袒走數百里泣送不絕

吳源起字準菴順治辛丑進士筮仕洛陽令時滇南告急姦民乘機爲亂起密擒其首黨遂散洛邑賦重力請撫軍具疏

歷陞給事時舉博學宏詞薦當湖陸清獻隴其或謂陸深於  
理學辭翰非其所長起曰理學爲文詞根本可二視乎其他  
慷慨直言皆似此尋以親老假歸年逾古稀徧游名山著五  
嶽游記

杜臻字肇余號遇徐順治戊戌進士改庶常授編修康熙癸  
亥靖海將軍施琅克澎湖島臺灣平公以吏部侍郎偕內閣  
學士石柱疆理閩粵往還嶺海跋涉不啻三萬里勞來安集  
各得其所甲子進工部尙書歷仕至禮部尙書引年告歸

御書煙霞耆舊匾賜之歿 賜祭葬癸未 南巡追賜春  
懷舊德匾崇祀鄉賢祠

朱彝尊字錫鬯號竹垞康熙戊午以布衣薦舉博學宏詞除  
檢討預修一統志明史文苑傳辛酉典試江南所拔盡知名  
士胡任與陸肯堂黃夢麟皆先後成鼎甲 賜第景山供奉

南書房旋罷歸癸未

南巡賜研經博物四字家有亭名

暴書儲藏八萬卷有日下舊聞經義攷等著戊子己丑間連  
年水旱米穀騰貴飢民塞路公倡始爲粥以食餓者請太守  
臧公委官董其事同事者方亶父朱珣叔沈君嘉暨余祖璣  
文公日坐古南禪院輸日布施每日就食者幾二萬人至今  
人皆稱道之

李陳常字時夏號嶧山博學明哲子康熙癸未進士官刑曹

郎有內府賈人控涿州民借帑者連千三百人陳常力爭不  
得閱數月十四司積案纍纍逮繫徧直省大司寇專以相委  
入內府審理執法不撓省釋冤民萬計出守鳳陽人持瓣香  
相送百里不絕旋陞兩淮運使時鹽多積滯商力漸絀盡革  
陋費以清積逋擢兩淮巡鹽御史與張鵬翮趙申喬張伯行  
諸人稱十廉卒於官

許雲龍字魯文少能文棄學武成進士選侍衛出入禁中  
奏對稱旨爲陝西漁渡路游擊轉西安撫標右營陞甘州  
營參將撫恤兵民著有勞績

王沆字宋臣方伯庭庶子歲貢生任樂清訓導操行潔白嘗

刊約言分給諸生共知禮讓學宮傾圮已久捐貲重葺始置  
先賢神位併建文昌閣及英聚堂擢山東萊陽縣丞去之日  
紳士寫攀轅小影各製詩歌以頌德焉

馮渠字映青乾隆乙丑進士知江西靖江縣事歲饑擅發倉  
穀坐是落職貧不能歸畱主贛州濂溪書院以歿

補杜致遠字寧田宗伯臻弟官平武知縣黔山川行有云百  
餘年來漸生聚逃亾稍稍歸舊居昇平那得無疾苦欲去不  
覺心躊躇蓋仁人之言也

司志

李我郊字約山學博明齋子由廩貢生援例授鞏昌同知師  
征準噶爾委辦軍需

一口外期甚迫我郊獨任之不旬

日而事集擢工部員外郎遷兵部分巡永寧值土番跳梁剽掠內地我郊捐貲贖回良民以萬計轉廣西蒼梧道卒於官

伊志

杜庭珠字詒穀宗伯臻子康熙癸未南巡以國子生獻詩

辛卯入都以大學士王頊齡薦召見入武英殿纂修書成授臨縣知縣歲饑鄰境訛言有操陰符祕書者聚衆山中將爲亂時議發兵勦庭珠曰此必飢民蟻附耳力止之及遣人往偵則數百人相聚拾山果野蔬以爲食訊祕書乃丐者歌詞耳調萬泉縣攝臨晉時積逋重庭珠請分年帶徵觸上官怒交員督之急以民譁被劾歸

司志



李維鈞字裕山號遜麓學博明齋子附貢生早受知於曹侍郎秋嶽目爲大器引例選授都昌知縣陞莒州牧行取補刑部員外郎查勘噶里產一塵不染遂破例特轉監察御史累陞巡撫直隸時舊制民十六以上納丁銀與田賦分征公謂貧民無一弓之地謀食不給豈可復出口錢況死生遷徙勞難核查必有貸償之累而催科亦太煩擾莫若攤丁額於地畝在有田之家所增無多貧民之困永釋入 覲奏之得

旨允可後各省皆援此以請實自公倡之旋改陞總督以事奪職

繆啟武字庚先處士永謀子例貢文藻斐然工書法雍正元

年刑部主事陸錦文保舉引 見授山東汶上知縣居官慈  
恕頗著循聲

戴源亨字通也號稼村乾隆丙辰進士知嘉魚縣境有隄工  
水勢衝決源亨日夜堵禦隄以鞏固調天門以廉能稱致仕

歸購宅素園

伊志

馮光熊字泰瞻號魯巖乾隆丁卯舉人考授內閣中書軍機  
章京行走擢戶部主事丁亥以郎中派隨雲貴總督將軍明  
瑞往雲南征緬甸補授雲南鹽驛道失察屬吏被議奉 旨  
仍以員外郎用補戶部壬辰隨尙書福隆安赴金川軍營辦  
事凱旋授廣西右江道歷陞甘肅布政使甲辰石峯堡逆回

滋事於各隘口安設卡倫晝夜巡防多所擒獲以江西臬司  
任內被議仍留軍營協辦事竣授安徽按察使洊陞湖南巡  
撫調陝西壬子 巡幸五臺山賞花翎黃馬褂 召入署工  
部侍郎尋授貴州巡撫調雲南未行會松桃苗民滋事親往  
督拿相機進剿生擒首逆事平請撥鄰省銀二百萬兩賑卹  
被難人民得安堵如常後南籠府狝苗復起事卽督率弁兵  
勦捕擒獲夥黨進攻安姑一帶險要斬首五百餘級解歸化  
廳圍城苗匪復屯踞壩陽襲敗之勦焚磨幔山箐賊巢進擊  
獨峯山嶺賊匪悉竄安順廣順等屬苗民請降者一百六十  
餘寨咸諭撫之狝苗平 溫諭褒嘉以年近八旬內補兵部

侍郎 恩賜紫禁城騎馬轉擢都察院左都御史卒於位

壇生平持身廉潔遇事勤慎籌辦軍務績著邊疆歿後定築蕭然亦可見其公忠矣 國史有傳

金蓉字蘅畦號采江介復孫少穎悟工詩文以舉人考取景山教習補覺羅官學復考取國子監學正己丑成進士選庶吉士授編修充三通四庫全書纂修官先後分修二百四十餘種悉心甄別務歸至當每撰小序必挾全書之奧旋丁母憂歸不復出築聽雨軒以栽花賦詩自娛尤喜造就後進生平著作頗多皆棄去僅存詩藁二百餘首

朱休承字伯承號育泉檢討彝尊元孫幼承家學篤好詩古

文辭以舉人挑發陝西補城固知縣潔已愛人值歲大旱麻  
衣草笠徒步百餘里至北山滴水崖取湫禱雨長跪叩頭極  
酷熱不稍輟未幾大雨霑足是年倍有秋縣舊有樂城書院  
久荒廢卽捐資更新延師設教又獲鄰省盜數人例得薦力  
辭之署韓城民爭水道十餘年不能斷因踪跡其處掘得原  
刻界石衆始悅服修興安堤工合郡賴之再署白水城固民  
數百人赴御史臺乞還會攝篆者審邪教案株連無辜數十  
人休承至白其冤所涖之地咸爲感戴或號曰朱文正公宦  
憲二十年請告歸而不名一錢卒於家

任繩祖字萬斯由縣丞陞臨川知縣以清慎稱歲稔捐俸倡

民輸粟以賑全活者衆能詩尤擅書法行楷皆入妙

伊志

李集字繹芻號敬堂先從祖也淵源家學肆力於古尤潛心理學學使雷公鉉嘗謂曰當與生共爲正學中不朽人物乾隆癸未進士授湖北鄖縣知縣境連雍豫深山峻嶺姦宄竄匿不易捕悉廉得其實痛懲之歲大旱西湖水涸見黑物在潭底噴水幾尺日數次有鄧巫者自稱馬子託神三娘娘言黑龍將起水十丈城中患溺居民皇皇卽以羊豕各一投河中焚黃聲炮似有物嘯風躍大江以去人咸驚異遂擒鄧巫鞠治之命鎮三娘娘木偶至大堂因取火燬偶巫荷校通衢是夜天大雨邑人頌之云風烈何殊陸清獻神明實逼鄭山

公郎城多枕山民病澣汲當夏潦水壞廬竈無數爰於縣東  
北隙地鑿深池潦水受導民害用蠲中有泉歲旱不竭栽蕩  
數百丈衆名其池曰青蓮蓋隱寓清廉之意署棗陽積案數  
百悉爲審理多平反性素鯁直有忤上官意奪職歸百姓揮  
泪送之家居十載足不入城市日以著書行善爲樂好造就  
後進所著經解多宗漢學詩古文得大家軌範創舉里中善

事尤多

已上  
俱補

續金祖瑞字安次副貢介復子少應童子試不售納貲入國  
學考授州同以錢宗伯塏薦委辦江南河工修高堰石工皆  
成取列一等補山陽知縣歷任贛榆寶應睢甯泰興等縣服

官清慎深得民心以疾終子莢扶柩歸里惟敗書數篋而已  
馮克鞏字七研號小魯總憲光熊子太學生四庫館謄錄議  
叙州同歷任漳州重慶通判開州知州乾隆乙卯署安順府  
領兵克捷烏巢河抵乾州以幹畧著擢松潘同知 賞戴花  
翎苗疆平陞麗江知府因公褫職嘉慶己巳 萬壽特恩授  
鶴山知縣卒於官宦藁蕭然邑人輸贖歸其喪子貴菴任山  
東滕縣縣丞

馮鞏字錫之號紳泉克鞏之弟國學生四庫館議叙州同補  
德州州同遞捐知府道員歷任汀漳龍道興泉永道甯福道  
轉糧道道光元年召 見以員外郎用在官政尚寬和惟不



可干以私潔已愛民循聲頗著

馮馨字凝之號椒園總憲光熊姪文學光燕子由宿遷主簿  
署清河知縣嘉慶己未淮水驟長邑故無城以堤爲保障親  
率僚屬往來搶築凡三晝夜增高五尺廣二千餘丈民賴以  
安升任宿遷次年調銅山耆民黃能質等數百人籲求仍回  
原任嗣被議降調民復遮道攀轅繼引見仍以知縣用補  
授清河戊辰署高郵州又平洪澤泛溢之災紳耆送德溥化  
光五山賢守等額農民復設長生祿位遷徐州府擢通州牧  
飛蝗入境苗不爲害所至多惠政服官五十餘年卒嗣子安  
燕官蒲台知縣

沈琪字其玉號樵谷嘉慶甲子舉於鄉爲分水教諭擅文譽有詩名性尤和易士習文教均循循善誘賴以日上罷官後卒於家

李超孫字奉堦號引樹徵士良年五世孫文學國華子乾隆乙卯舉人任會稽教諭在學數年訓誘後進多所成就少日讀書務根柢之學阮文達視學吾浙時築詒經精舍課士超孫昆季皆與焉平生博涉經傳尤長於詩著詩氏族考郡守伊湯安修府志招任分纂較讐之役

李遇孫字慶伯號金瀾超孫之弟舉優行入成均讀書務實學尤肆力於古著隸古釋文爲說經者傳述爲處州府訓導

木里元九  
二  
最久摩挲殘碑斷碣審度而辨定之窮搜博考用力甚勤詩  
承家學武康徐孝廉熊飛稱其詩如奏雅琴於箏瑟之場聞  
者不自知曠然神奪也

李疇字遠帆庠生與兄穀瑩琥極友愛穀在孝義傳瑩早卒  
瑩援例由佐雜升延津令縣故地瘠民疲恆以興利除弊爲  
已任邑人申中丞啟賢贈以楹聯云路不拾遺知政肅野多  
滯穗是民和後遷武陟縣境有沁河甚險防禦尤著勞績旋  
曷暑卒於任所

馮登府字芸伯號柳東孝廉元曦子嘉慶庚辰進士由庶常  
散館出知將樂縣未幾告終養歸制府孫文靖公招其助修

閩省通志書成改授甯波府教授訓誘後進綽有成效晚築  
勺園爲娛老計研經通藝著作等身重修曝書亭創建清芬  
祠於桑梓亦有力焉疏證經傳考訂金石擅詩古文詞兼工  
篆刻嘗自治一印文曰廿年秀才一等翰林七十五日縣令  
蓋紀實也

先義爲四端之一皆本於民之義性宋書  
始爲立傳後代多因之顧篤義性亦不乏人  
錄之有足使人觀感勸厲薄作

明

王昇字廷旭性淳樸隱居不仕掌賦役七十餘年輸徵及時  
正七年壬戌歲歉昇出粟六百石賑濟朝廷立石旌表詔  
嘉爲義士壽九十而終

義字叔倫昇子賦性仁慈與物無競平生好施惟念積善  
景泰六年乙亥歲歉出粟一千六百石以賑授冠帶丙子復

木三三  
二  
饑巡撫都御史鄒公勸出種粟五百石成化元年丙戌復出  
米五百斛賜銀帶贈承事郎其年大饑人皆勸其以重價糶  
之糗不聽慨然以之貸人自本府七邑及杭湖蘇松四郡貧  
者無弗與並無中券人有阻之者糗曰吾賑粟多矣以此荒  
歲而不濟人不義孰甚焉苟或不還卽爲賑矣當道旌爲義  
士成化間里西塘橋傾圯病涉糗出銀五百餘兩建石橋以  
渡聲譽大著京師相傳誦焉壽至八旬子六人

李湘字本澄號東泉素甘守分敦倫睦族樂善好施嘉靖十  
八年米貴民飢捐財賑濟本鎮市河一帶數百餘丈淤塞不  
通出銀米數百獨力挑濬至今利賴以子芳貴封文林郎

劉志

周仁當隆慶時年尚幼母患疾嘗兩割其股肉以進母疾遂

瘳時臬司陳公道基特旌之塑像土穀祠歲祀焉

補案伊志司志俱入

朝誤國

杜蘅字芳洲官灘里人庠生事後母及兄稱孝友子喟字聞

牧孝行如父俱贈尙書崇祀鄉賢

補司志蘅篤於孝友兄病

人乘一舸雅似蘅俄聞剝啄聲而覺啟扉蘅果入袖出餅奉兄說喜病遂愈時蘅客武塘適思兄心動而歸不知兄病也蘅嘗念母老禱於神願減算得一第庶盡祿養竟腐志卒喟三歲而孤有至性遭母喪哀毀備至周貧給難樂善好施終

身其

王階字慕橋年廿七時常之震澤有客貿絲與市僧夜爭值去遺地百金階晨拾之訪客未得午有飲階者終席不自安

急走 容與僧方憤鬪瀕死階前解諭驗還客金客請分階  
不受崇禎丙子舉鄉飲以子庭貴贈布政崇祀鄉賢

國朝

李明齋字山顏號蓼園性至孝嘗刲股以療母疾有聲復社  
入閩舉鄉貢司訓古田爲佟撫軍國鼎器重檄贊機務適有  
降卒數千疑其詐謀欲坑之齋聞之惻然勸曰須廉其實弗  
以造次殺無辜乃夜起伺於帳外聞降卒皆有酣睡聲畧無  
動靜急語撫軍曰此輩倉卒投生必無他意請以身保之乃  
止又山寇四出事平檄案士子脅從者齋獨不以籍上惟亟  
請招徠以消反側於是古邑諸生畢出復業他邑效之全閩



以安

補司志明整晚歸以著述終身嘗入蘇門山與容城孫奇逢辨析理學頗相推重

王泐字干明秀水庠生能文入敬盟順治十六年含山盜起

晝劫梅里被執勒贖不遂極口罵賊不爲之屈遇害

補天香錄里人

江建業素與盜通某家貧富汪陰指之使盜往干明故貧士兩兄操市業豐於財盜至聞風先避惟干明在汪使繫之則兩兄必出金贖歸及家人糾金往贖未厭所欲竟遇害

楊啟元字禹聲先曾大父也少孤事母孝未弱冠卽能葬先世遺棺手舁成墳康熙庚戌歲祲爲粥以食餓者戊子己丑間吾鄉水旱頻仍米價騰貴因出粟以賑全活者衆後遇回祿自西木橋延燒至火衙先廬適居其中僅燬數椽至今尙未改葺

沈璇字虞衡太學生善事父母克盡孝道慷慨好施子康熙

戊子己丑歲饑袁糜以食餓者

子廷珪庠生從朱竹垞檢討李秋錦徵士游亦敦孝行

王佐臣事母至孝頰上偶患疽屢治不效途遇一異人指曰此足喪生吾知汝孝來救汝出藥三丸與之食戒以百日內勿食雜言訖忽不見佐臣服藥果瘳後誤食雞羹疽復發往他所就醫又遇前異人笑曰曷不謹誌吾言然亦勿憂卽以爪去其腐肉就道旁樹采一葉取土敷之令貼患處日一晝夜肉生滿矣言訖仍不見佐臣歸以語人人或不信未及期輒與開而視之肉猶未平復貼已無濟終有坎痕矣或曰佐臣居里北之天香菴患毒難救念母老無養日夜禱天一日

路過萃橋遇異人曰子欲毒愈乎拾道旁一草敷於患處須臾有大蜈蚣自毒中出遂愈傳聞畧異故兩存之

補案伊志采雪堂瑣

錄作王楚仁當卽一人

沈翼字寅中號菜畦文學進子庠生有文名詩本家學又爲朱檢討入室弟子隸書得漢人筆法嘗注竹垞文類居喪盡

哀甘露降於堊廬藤蔓者三人稱其孝

補春風錄翼書學治翁久而自成高格八

分學於朱太史爲青谿李氏臨漢唐碑分書殆徧尤自矜其篆刻非佞其絕糧時鄭重求之不可得也

王大鵬字鶴成號搏九又號寓屋方伯庭曾孫性至孝父歿事兄如父早年喪偶止一子不再娶時張方伯若震欲舉孝廉方正堅辭乃止善繪事人物花卉並秀雅絕倫而寫真尤

擅長嘗對鏡自寫倚松小照同人皆爲之題詠焉

補陳吳倚松圖序摺

尤敦本行務廉讓清而不隘

而能恭蓋在夷惠之間

程日華原名喬祖字洪叙又字洪厓能詩工書性至孝父親民家本素封後竟蕩然又患足疾心多不愜華曲意承順父欲往戚友家談論華必背負以行日以爲常道旁觀者咸歎息稱孝子也

王祥棣住項家灣家甚貧一口於十一間下拾遺金十餘兩又當票數紙祥伺其處見一人垂涕泣而來云母死無以爲殮賣妹得金又從親戚處借物典當有票數紙今皆失去如不能尋覓惟有一死而已祥詢其銀之錠件票之多寡一一

相符卽還之人咸稱嘆

王名家子少喪父性至孝家貧無以供母凡有婚喪之費以往乞焉以手口作放銃狀能數文以六文爲率名曰老龍此江湖切也文不能如予以飯一飯必三盂今肉以以遺母人由是樂與志母病三寶以食母死復行乞數月以毀卒

王愛力行父繩孫病篤醫卜罔效愛禱於家祠剖左股以進疾遂愈後十餘年父得以壽終愛善醫寓硤石鎮著四氣撮要繪銅人圖無疾而終硤石友人率私錢瘞於紫微山側立碣表其墓焉

楊星垣字壽滋號勤民太學生候選主簿善堪輿吾鄉舉永  
安葬會星垣之力居多

補李明巒字石友縣諸生父衷奇敦至行明巒善古文詩詞  
雅自負與桐鄉錢本一張履祥交以道義相切磋履祥稱爲  
直諒之友海昌祝淵以會試舉人在京抗疏論救山陰劉宗  
周被逮明巒經營奔走不遠千里明亡抑鬱而卒

司志案  
救祝閱美

事詳見楊園  
先生聞見錄

楊汝霖字璫文以貢除臨海訓導後補西安實學課士康熙  
四十八年里中水旱頻仍檢討朱彝尊爲倡各率私錢爲粥  
食餓者汝霖踴躍勸募與有力焉子爲裘字冶良庠生有孝

徐琳字荆山究心理學性耿介不妄取與同志做桐鄉張履祥爲允安會以葬貧不能殯者又舉廣慈會以施棺槨門人私謚曰貞靖先生

伊志

盛洪字學曾例貢生好施予乾隆乙巳歲稔與弟潮源捐粟以賑每日計口給米閱兩月甲寅秋復與其弟設糜以救飢者巡撫吉公慶給尙義可風額表之上

同上

爰鳳儀字邦清府庠生早失怙母歿哀毀骨立盡鬻衣服等物以爲含殮繼遭祖父母喪獨力經營不責助於兩叔後一叔客死溫州卽赴海濱負其骨歸葬年三十二喪妻不再娶人以孝義稱之

天香錄

張國禮字佑廷幼孤貧善治生勇於爲善乾隆丙午歲祲在江蘇捐賑銀一千兩議叙州吏目職銜里中善舉如扶老卹寒等會亦多所樂助

司志

李淦字玉持饒院陳常孫乾隆癸卯舉人績學砥行至孝純篤侍父寢興愛敬無幾微懈父嘗嚴冬痢下懼更中寒時身舒兩臂於圍器用白柔暖與人交平易和厚好行善遇事量力以依竊慕范文正公義莊志竟不逮卒

張乾字乘六號藍圃少孤露奉侍重闈至孝肫篤視諸弟妹極友愛性好施予里鄙有貧困者每解囊以濟其急冬月製絮衣以恤其寒一時稱厚德云



行伊志春風錄治良性尤孝友分析家業  
盡以腴產讓其庶兄門人私謚孝讓先生

李志鯁字濟字事親孝兩居喪哀毀過禮嘗於客邸遇逋官

稱者哀其急代之輸及志鯁沒其人來哭語其故始知之上同

戴公鎮字殿邦年十五父病劇焚香籲天刲股和藥以進病

尋愈父歿哀毀骨立中年喪偶不復娶上同

李庭凱字文若嘗刲股以療親春風錄

戴源瑞字豐初鎮子國學生讓產於兄厯游晉楚雍涼兗冀

閒晚歸詩橐燬於火志

李宗仁字乾三驤院陳常子歲貢生性至孝父任兩淮巡鹽

御史病亟宗仁刲左股和藥以進母陳病復刲右股居喪哀

毀欲絕工詩善屬文

伊志

朱昌辰字雨人性好義姑寡而貧欲度其二女爲尼昌辰爲  
嫁之故人子欲爲僧力爲資助返其初服僕諱其姓後知爲  
舊族焚券善遣之能詩

同上

王家幹字東臯遺腹生少時屢赴童試不利棄服賈年四十  
餘復讀書入庠事母盡孝近交多無後者家幹獨任其事理  
器數十次葬三十餘柩爲母及叔母請 旌建坊嘗於里東  
道院捐資設義學後不戒於火平日爲善不欲使人知有助  
友人之相陽和而陰致之不肯道所從來里人至今能言之

下香  
錄

張湘字槐塘號補萱太學生父某慷慨好施予湘自幼時有人言及善果輒心喜長營業漸充裕而爲善之心益篤給錢以濟餒曰扶老製衣以卹寒曰熙春歲除又酌予錢六日不倦丙寅歲霖雨爲患江以北被水死者相藉飢號滿道左相適過東臺興化二境老幼相向哀乞以千百計遂傾囊錢二緡徧給其衆里中偶值偏災率先輸粟以賑戚黨有告急者無不周恤之嘉慶丙子得請 旌建坊表

金蓀字蘭友事母能孝母病謂關侯廟泣禱願合施衣會救凍人刺之左臂病遂獲痊母所嗜物歿後終身不食葷葷好善里中惜字扶老廣慈掩骼諸事無不勇往力行復創接嬰

所以轉送郡城邑令趙公書樂善可風額以獎之

陳壽齡字介眉生甫周歲父蘊輝歿家故貧長業賈奉事嫡母鄭生母沈能盡孝年三十一母鄭患傷寒症醫藥罔效壽齡泣禱於神因登樓闔戶持翦割左股屬妻煮湯以進母啜之甚甘卽思食粥不數日而愈以庶子割股療嫡母之病人咸以爲難云

周鳴盛字桐北諸生事親至孝出入必隨侍父槐卿以七月日卒鳴盛號泣達旦者數旬鄰里感歎俗以七月三十日爲地藏誕皆然燭於地至是爲之罷燭焉時人方之王修罷社後以哀癘不數年亦卒

史大勳字竹南能以至孝幹蠱父卒蔬食三年母卒亦然事

母扶持抑搔曲盡微不至蓋不僅如滌器澣裙也

以上俱補

續金良字以貞諸生副貢介復之父髫年服賈養親未嘗入

塾既長自能讀書一試卽售嘗刲股療父母疾撫弟諸孤以

成立學使金鏡給孝友可風額旌其閭

金氏家乘

戴光擎字根心號卓爾廣文源仁孫附見文苑源永傳父桐  
字奉璋客死潮州逾年始得耗孝子慟絕誓必歸父骨將行  
語其子曰我死爾收我骨埋於爾祖櫬旁我志畢矣其能歸  
爾祖之櫬也天也時子年十四涕泣願隨遂附賈以行至潮  
於墟葬間得櫬已朽不能載乃以敗絮裹骨歸往返蓋三年

矣子培成後補博學弟子員同里馮教授登府爲之傳

按光

名日餘父原名時林字奉璋號芝坪馮傳孝子名作庚辛實字根心之誤又父作鳳璋續梅里詩輯父作芝評今查戴氏家乘

更正

馮克壇字興宗號徹五少尹光聚子從九品少孤事母戴氏孝冬爲除虱夏爲驅蚊每饌必問所嗜必有以進母病篤嘗糞而哭歿後以竹籤書物名挈得某籤卽烹調以供事如生廬墓三年釋服後猶設位寢食與俱孺慕益終其身至今道之者皆稱爲馮孝子云

李穀字中玉號介石孝廉淦子廩生嘉慶丙辰徵舉孝廉方正賜六品銜性純孝父母先後病均割股煎湯以進並得

差平居鄉里間出一言雖狡徒不敢妄以對貨一物雖市儈不敢虛以索其誠實之感人如此

李文漢字希桂徵士穀子嘗剪股以療父疾三世皆以孝子著尤世所罕有也文漢平生樂善好義遇人急難或稱貸而予之後隨其叔璫赴武陟縣任所旋以病故

沈學詩字致和號興齋廩貢生力學砥行以孝友稱尤勇於義嘉慶甲子大水創設粥廠活飢民無算並立木柵造浮橋需費皆獨任之道光辛巳徵舉孝廉方正郡守袁渭鐘邑令趙徽以其名上司院力辭之而止

蔣榮齡字金谷監生父翰字稻香監生樂善好施而隱於市

榮齡幼亦廢著以孝聞母病焚香告天割左股和藥以進而  
瘳逾月病復作又割右股病三劇三投而三愈焉繪有孝子  
割股圖名流題詠甚多李明經富孫詳其事而爲之記

何炳字杏江諸生例貢成均以孝友聞自幼卽有至性母善  
病每假學歸執炊爨滌溺器悉任其勞姚中丞祖同巡撫河  
南時延之入幕凡館穀所入悉以予兄而不私一錢晚築舍  
於里北楊山圩種梅花百本自號香雪圃農能詩

徐林衡字研芬諸生讀書而務實行授徒鄉里遇爭訟事多  
所排解生平樂於爲善凡惜字施衣恤癯掩骼尤力行不倦  
年八十餘而卒



何善純字梓山國子監典籍銜父宗孟監生世於里西白雲橋聚族而居善純仗義負氣里中興團毀家糾衆共推謀主恆督隊至十餘里外逆賊賊寡則奮擊而力殲之賊衆則設伏而截殺之先後斬賊十餘級賊陷里復掠西南鄉兩路合撲勢益孤力竭無援遂潰善純笑圍出跳身入水死父聞變賊已毀門入厲聲罵賊賊怒刃之及弟善糾善緯等同死者十三人事聞 卹賞鹽知事

何寶和字香齡議叙從九品善純族弟善純舉團練事實重倚之賊陷里避而得免逾年有從逆者言寶和助團練餉最踴躍僞王陳炳文令從者入其家執之至城索獻納不予囚

而守之日肆鞭撻體無完膚家人先徙遠處及聞私以金贖歸時已絕粒三日越宿死 卹鹽知事

沈福年字子磨愛蓮次子候選縣丞少力學長乃棄書讀律佐有司幕得資爲甘旨助居父喪哀毀備至念母老不遠遊咸豐十年春館秀水縣署中四月賊陷蘇州或謂福年盍辭以歸福年曰有兄弟事堂上我死復何憾郡城陷遂倉皇吞金甫下咽賊已排闥入福年憤罵賊怒刃之 卹賞雲騎尉張以煊字吉庵諸生儀度修偉績學勵志頗負物望屢試不得志遂橐筆遊四方見賞公卿間咸豐十年遭亂歸里里中與團以煊以未究兵家言故不出七月賊犯里猶坐斗室中

手握卷若無所見者然賊知其士也欲脅以去以煇怒曰吾讀書明理豈肯從逆乎擲硯擊賊賊揮刃砍之傷八處潰三日死 卹賞雲騎尉以煇無子嗣從姪震勲爲後

馮柳孫字穉耕號稻孫諸生祖登府在仕宦傳柳孫性沈默砥行立名授徒鄉里賊犯郡城挈家避里南王家兜先一日聞里陷謂從叔偕士曰脫再有變誓死無他計也八月朔昧爽賊掠其村弟芸孫先被執柳孫急縱身入水賊倒戈鈎引益竭力自沈庶母錢氏及妻許氏一妹兩女一家六口均從之芸孫被擄亦不屈死柳孫無祀嗣族姪紹貞爲後 卹賞

鹽知事浙江忠義錄有傳

按傳作稻生誤

杜栢原名百壽字尋之號愚溪布衣工詩事母孝鄉里稱杜  
孝子云賊陷里時因母病事湯藥不去賊欲脅栢栢以實告  
賊勿應子富春請代遂釋栢而繫富春時母被驚死富春至  
城不屈死栢旋因哀毀致疾而卒

尤獻麒字曉園久困童子試授徒鄉里賊至繫頸去偪令司  
筆札獻麒書十六字以示讀聖賢書行仁義事見危授命誓  
決一死囚之遂抗志不食賊知不可屈殺之子馨堂尙幼被  
擄聞亦死難云

蔣國祥字秋泉里中興團分縣瞿丞嘗檄令赴省領鎗炮火  
藥晝夜兼程不憚勞瘁里團自四月至七月守禦有力國祥

實終始之二十九日賊船大隊至國祥奮呼殺賊及賊登岸  
四出在塘口力抗不退被殺既死猶手握兵器不釋云時有  
毛升陞汪德明錢春林吳富生周珍寶亦擊賊死

朱立成既賈復讀爲童子師里民創團時適病聞殺賊輒躍  
然起曰恨不能操戈以從之七月賊掠其家僅得破書敗絮  
將舍之去立成倚枕喃喃罵遂殺於床歿數日殮其尸兩目  
不瞑生氣凜然時有馮克竣字維岳庠生阮泰蛟字輔廷嚴  
廷槐字蔭三徐盞字仰山均監生盞姪受福受祉儀偁俱佐  
均死克竣刃傷其臂死泰蛟被繫令以金贖弗應刃傷其頸  
投水死廷槐擊賊中洋鎗死受福見盞遇害厲聲罵賊割去

耳鼻復斷手足死狀甚烈偁俱被擄逸歸偁投水死俱雉經死

馬諄字星庵監生以齒德負鄉望賊陷郡城或謂諄老不任行宜早計諄曰我年六十有九欲死亦可死矣子榛察父有死志每失聲哭賊至其家榛欲翼以行不肯賊索金諄憤而罵賊揮刃榛左右護遂併殺之妻朱氏同死另有傳尸未殮次日賊火其廬骨亦燼焉

馬澄字小江州判銜以府經歷分發江蘇咸豐十年四月賊氛四逼嘗貽書於家云我雖無職守之責義不可辱城破卽我死日以是爲期毋多疑也後有歸自賊中者述澄城破殉

難事聞 卹賞如例友李蘋字小舫諸生同死

陸富生膳夫也里中舉團練無敢探賊踪者富生毅然自任抵郡城下適賊搜得民團記識遂執以詢虛實富生曰我一身陷虎口死則死耳吾鄉民兵數十萬他日必爲我復讐也賊令斬首以示時咸豐十年四月二十九日越二日賊衆乘船來犯被團勇擊斃頭目而遁時義旗甫建諸未整備富生一言實壯先聲富生爲里中死義之最先者同日姚淦宗徐餘寶亦死里圍相持至七月晦日乃陷有薙匠倪六糕師崔四柝夫王四傭工蕭八亦強項死難同死者耆民王如松年六十八子德琪姪德陞族弟錫壘王祝山年七十族姪立亨

金廷模年七十八族姪少蘭金鎮藩年七十八弟鼎鉉德陞  
均死於家謝瑞琛年六十六死於長生橋何德慶死於花園  
橋李廷銓死於西塘口李錦卿死於三忠祠前尸倚桑樹不  
仆蔣作堂死於快活浜姚樹滋在石橋港舟中遇賊死弟雙  
全雙應避於鄉亦死難夏福能與弟福臻聞變以死義相勸  
勉同被戕張嘉猷被脅不屈抱道旁大樹死楊壽康以金贖  
友金盡而死盛兆彥張秋門陳義門與壽康同遇賊死張勝  
華擊賊死李宗義錢文燦夏順淑張八均被擄至城不屈死  
姚禎祥陳周均在家被刃死八月六日賊掠硤石回里王嘉  
彥避地及山死繆二觀王三觀在斷橋遇害李槐章被刃未



殊投期堂浜死金培安子海山均在馮家埭被脅不從死難  
蕭祥生在南塘被長矛刺死李文榮顧得祥均在項家灣殉  
難文榮投水死得祥被刃勒其頸死胡富壽在長生橋遇害  
嫡弟明春同死李景山張大寶均在雅吉浜投水死朱祥生  
葉慶福均在雅吉橋擊賊死王東寶死於東木橋王鑑香吳  
桂林朱奎均死於貞姑廟張寶林死於莊柵廟周遠香鄭銀  
姪汝謹均死於大有橋姚茂生徐餘慶胡大寶均死於董庵  
橋陳嗣昌死於丁漚橋夏湘濤褚長慶魏家登均死於西姚  
橋周四喜死於錢子漚戴傳山馬六寶周寶順徐六叔均繫  
頸至城不屈死徐二觀被擄得脫歸途採草木而食遂餓死

王蓮塘擊賊死狀甚烈蔡福慶投於河被長矛刺死蔡馬士  
亂刃死陸爾康支解死何琴齋從容就刃死李栢南吳大寶  
張德培方寶田殷桂生夏嘉樹沈耕山姚長生沈桂周珍王  
五平大平六均被脅不從死同治二年冬賊掠海鹽之沈蕩  
鎮旁及各村沈永福避於慈航橋謝敬莊避於林木橋均殉  
難距郡城克復僅數月焉又郡城失守遷於吾里而死難者  
有顧崧高葉少蓮江大寶均嘉興人周坤載秀水人陸柳溪  
桐鄉人周某蘇州人又吾里旣陷旁及各村而死難者吳二  
吳三里東蔣婆橋人首出聯絡各村翼里團防禦而戰死者  
董舜湖里北馬王塘橋人遇賊奮鬪死張小虎里東董庵橋

人負母而逃遇賊被害母卒以免小虎同族張有觀從姪巖  
袖皆死有觀擊賊死難尸立不仆又同井姜桂林吳振元與  
弟瑞和周滿淑周學洙王七皆死鄭發里東江木橋人素習  
拳勇手斃數賊旋中長矛越數日創發而死周如源里西紹  
文橋人與族姪俊陞俊成俊藩族曾姪孫新福其戚許兆升  
皆死馬如淵里南馬家疇人聞警不避在家罵賊遇害時有  
凌士盛擊賊被害弟士鸞同死

張蒸字時山庠生少孤工制藝屢躋鄉闈攻業不懈蓋無以  
顯親爲憂也母病篤封股煎湯以進遂得瘥家故貧嘗館金  
陵聞母訃號泣奔喪哀毀骨立者三年尋以病卒

李元愷字譜經性孤介不苟與取父歿家故貧嘗館里中某氏以脩脯奉甘旨饌有肉則不食必歸以奉母母病刲股煎湯以進遂得愈母年至八十餘而卒旋因哀毀成疾服未闋相繼歿

周學濂字蓮舫諸生居里東五兒子橋性和婉無疾言違色晚年尤樂善好義亂後近鄉橋梁半多傾圮學濂日負一囊行於市遇人必長揖以告人鑒其誠皆輸助之所重新者凡十四年七十餘歿

梅里志卷第十

里人楊

謙纂

李富孫補輯

余

林續補

李保宸參校

文苑

補文苑之名創於范史吾里自明以詩文著稱者已非一家至國朝尤盛邑志謂順治康熙間論詩首稱梅會里一時風雅流傳相繼不絕亦可見其淵源有自矣

元

王綸字昌言以字行元至元時以本縣人任嘉興學正至正辛丑秋七月十有三日教授永嘉曹睿以休暇出西郊憩景

德寺諸公攜酒相慰藉環坐而飲以唐人因過竹院逢僧話  
又得浮生半日閒之句分韻賦詩綸得又字詩曰驕陽初逾  
炎屋居苦囂陋出郭謝塵鞅浩氣溢宇宙祇園蔭長流松篁  
倚人秀簪履適相從萍水欣邂逅主人延客坐芳情重醇耐  
道合猶同門志洽儼交舊緬懷風塵際東西因羈走餘生獲  
良會歲月不可又願言慎所止同心契蘭臭日薄嗟易昏明  
當睹清晝鐵網珊瑚有綸題梅道人畫菜一絕郡志載其  
有柳橋漁侶固當時一詩人也

明

王鏞字聲遠洪武庚戌舉人官編修能詩遺稿失傳僅存爲

宋克恭題水竹居一詩云碧水澄潭自作洲琅玕多種屋東  
頭旋燒新筍安茶竈時祈嘉魚踞釣舟客至罷邀明月飲人  
閒何必五湖游吾家舊在梅谿上遙憶清風度早秋其弟鈞  
字天全亦有題水竹居云文采風流偶晉賢由來踪蹟託林  
泉候門童子清如鶴畱客軒窗小似船錦鯉寄將書咫尺綵  
鸞飛下月嬋娟何時把酒同燒筍卻訪東坡笑渭川

胡碧霞萬曆初學究詩清勁無俗調詠雨詩云細雨如絲引  
空濛夾霧輕霑衣纔見濕落葉更無聲旋入行雲去常滋蔓  
草生檐楹聊聘望徙倚更多情又次李二仲美避暑雨上人  
竹院詩云逃暑翠微際還從支遁居竹光團砌滑山爽入簾

虛謝客惟聞鳥澄懷并廢書坐深消白晝塵世復何如又草  
堂漫興詩云滿院清陰午半殘松花香染石牀寒幽棲白日  
憑詩卷蕭散青林自籜冠避地祇分鄰水竹種花時葺傍池  
欄主人會有投閒意幾處看山興未闌

杜元淮字西岡秀邑庠生有謀畧辨畧斷畧漢唐名臣論晚  
年有耄學內外編行世子若愚字漢文孫廷珪字容載俱邑  
庠生績學不遇

補春風錄元淮嘉隆間人學有根柢尚書臻世父也子若

號春洲有詩名

朱茂曙字子蘅太傅國祚之孫知府大競子爲人恂恂儒雅  
篤於孝友取予進退介而有節太傅當蔭一孫以予茂曙茂  
曙不受叔某富而無子以次當嗣又不受悉以推諸弟浙江



巡撫董象恒老友壻也或勸往見之固辭不往少善屬文工行楷書能畫山水竹石董文敏見而歎曰不出十年當亂吾真矣明季卽棄諸生業經史之外旁習天文醫卜諸家書逾數十萬言盡通其術晚雖書畫亦屏不復爲惟時寓於弈以自遣而已歿後鄉人私謚安度先生

顧圯徵字文玉一字玉虬履方操潔崇正甲申後棄諸生屏居一椽足不出戶者十年所著十五國風疏說鄭衛詩不盡泥朱子傳

李麟友字振公號于苑揚州司訓自明次子自明殉節麟友求父骨不得遂棄舉子業爲詩奔放不屑剪裁字句

補繆崇正字仲逸一字貞父縣學生能詩詞工書法先世從

海昌徙居里之西村明時有宮宗人府錄事崇正父也

春風錄

薛廷文詞緒崇正萬歷間處士愛讀韋蘇州集因取詩似冰壺徹底清之句自號冰壺

屠明靖字聖武諸生邃於經學著有四書解周禮輯解等書

笏明讞明簡俱諸生明簡字右文博極羣書詩文質奧

司志

李寅字寅生號曉令先六世祖也崇禎壬午副貢讀書尙氣

節入復社衡文考業志存用世與婁東張天如受先吳門楊

維斗雲間夏彝仲陳臥子諸公相師友所學益粹然無疵隆

菴公殉節寧海聞訃崎嶇戎馬間走三千里愬其事於山東

蘇州郵贈扶輓以歸旣而結客破家卒於嶺表詩宗太白

華亭楊鏡序以三閩少陵之忠愛比之

馬登府與譚

李可願字子驥麟友從弟好讀書性恬退不慕華膺與麟友及同輩相酬和其詩初學唐風後乃出入於眉山劍南之間

司志 已  
上俱補

國朝

郭哀采字龍威順治戊子舉人博學工文與吳準菴史子巷

孔昭素李天穀人穀屠闈伯戴巖石爲景山入子

補按春風錄有史人

肇金枚叔崔止菴無孺人穀屏闈伯戴巖石

官江西宜春知縣罷歸

補司志哀采石門人徙居

梅里熟於史事好議論古人成敗得失喜爲詩輒工同里王胡論詩頗嚴獨於哀采贊歎不置

王援字馬成一字滋萬號覺菴方伯庭長子郡庠生承廕當

得官以疾辭不赴能詩文順治丁酉有存誠之訂同里屠昭  
仲鈞爾載顧伊藩李季奕許禮我諸子禾中懷萃臯咸集同  
人來會晚喜禪悅盡讀內典惜著述無存又有存誠後社不  
能舉其姓氏矣

杜潛字晚實號鄰若落腕布衣偃蹇屢市學詩於王秋槐之  
門甲申後室廬遭毀轉徙流離止一子爲賊掠死妻又病卒

故詩多感慨悲涼之語

補司志潛工詩王翊嘗稱爲有風人之致性高抗矯然自立不妄隨人轉

移晚以從子璠官翰林  
迎至京師爲留經歲

徐榘字庚清邑庠生家甚貧善鼓琴能爲長歌當抑鬱厄塞  
時輒自排解無惋傷憂悼之色豈其所得於天者異耶

補司志里

中稱詩自王弼王庭始而梗與杜滔沈進周箕繼之梗爲人  
不以窮達得失介意卽困乏不能舉火家人立許怡如也詩  
之清婉無愧作者

錢枋字爾載號改齋桐邑庠生王方伯庭壻始居梅里與張

楊園徐勿箴陸稼書諸先生相切劘稼書曾招至嚳城署中

佐理焉補明里詩輯枋雅負經濟游歷四方世重其品能詩亦工駢體李符詩云戲言徐庾是前身爾我同誇麗

句亦識壯夫輕小技爲傷宮體絕于春蓋謂枋也

沈進字山子號藍村邑庠生少時有梅花高館落春草斷垣

生句著名稱爲沈斷垣曾游京師無所遇旋歸號知退叟晚

館稱鄉汪氏無疾而逝著述甚富惜俱散軼補司志進與從兄道並知名少

工時支要非所好日與朱彝尊周箕以詩篇酬和鄉人目曰朱沈又曰周沈

鄭珣字原道更字隨始明府士奇從子邑庠生少治春秋既而嫉胡安國傳義之非投牒更治詩每文會賦詩堅坐不作間疑樂府音節出入漢晉間一及諸經疑義講說紛綸闡前賢所未發當時有兩脚書櫥之誚遺橐失傳

李鏡字無塵號明遠運使衷純之孫邑庠生能詩文所交皆名士王方伯庭朱孝廉一是並賞其文簡質近古暮年坐臥一樓潛心易學尤於列史多所發明

李繩遠字斯年號尋壑父寅客死韶州從一蒼頭徒跣入粵舉柩而返工詩兼善駢體晚飯禮牧雲和尚法名靈表年六十五造生曠自爲志

補司志繩遠縣學生入監考授州同知早爲昆明群舸百粵之游六年而返所

爲詩風騷漢魏下逮齊  
梁具體合作一無遺憾

李良年初出姓虞名兆璜海邑庠生後更今名字武曾號秋  
錦能詩格律甚嚴所作奄有唐宋別出機杼少與兄繩遠弟  
符齊名江左目爲三李後與朱太史彝尊游京師朝士爭欲  
相識每召客輒詢座中有朱李否戊午舉博學鴻詞不售晚  
築秋錦山房坐臥其中弟子著錄者日衆崑山徐尙書乾學  
開書局於洞庭招其助修一統志

吳源遠字瞻兮號辛劬性耽吟詠不事生產竟以窮死曾作  
吳歌百首集禾中諺語成之

朱願爲字不爲一字求俟孝廉一是子能詩性狂睥睨一世

滑稽媢罵蔡燿字遠士號懶人讀書觀大意詩歌書法皆有  
名性懶時里中有懶蔡狂朱之目遠士嘗寄詩云我懶君狂  
俱是病莫矜長處誤平生

李符字分虎號畊客工詩詞曾游洱海遇碧雞山道士謂其  
前身是廬山行腳僧十年後當仍歸廬山客金陵龔方伯佳

育署與公子翔麀交最契刻其詞入浙西六家後暴卒福州

補伊志符少穎悟讀書一過成誦肆力于古仗氣好奇爲萬  
里之游詩清空一氣詞則盡埽科臼獨露本色尤工駢體

王選字履坤邑庠生博學能文有聲復社中素善病不與戶  
外事康熙初曾舉鄉飲賓彙失傳

褚標字霞建詩饒風韻天卒

補梅里詩輯霞建詩如露下芙  
蓉極饒風韻當谷稱其抽思奮



藻光采奪目甫逾壯歲鬱鬱思心痛死故序其詩以負才不展沈吟詠歎爲可哀而欲輯遺詩以傳之

徐在字文果號皆山性豪邁而於大節不少假借專以詩歌自娛昔王邁人先生似藩山右錢改齋枋走謁里人皆賦詩送行彙爲停驂集王公定文果詩壓卷

顧仲清原名康孫字咸三號中村又號松壑處士玘徵孫增生入太學見賞於王阮亭湯西厓諸前輩著述甚富兼善丹青以畫蝶擅名當時稱爲顧蝴蝶篆刻法徐士白

補梅里詩  
顧仲清書

蝶畫如畫態妙傳栩栩之神積題詠  
至六百篇較謝無逸更爲倍之

林堃字逸莘子之枚字木文號松亭並工詩文逸莘爲童子師有名丁爲古文垂暮喪明貧病交困周文日朱西峻李元

相見示卷一  
潤諸子各捐已資生以贍其養歿以佐其喪焉

朱昆田字文盞號西峻檢討彝尊子太學生喜讀書勤著述

游京師有小朱十之稱與同里范民章浦樗岡朱求侯蔡懶

人李時夏

補春風錄  
作李約山

許方毅爲省齋七子其燕韻五編藝苑

珍爲拱璧

張費源字崙緒號眉淵康熙丙子副車工詩文與同里李元  
沱潮偕史卯君先震錢其相是式徐兼六耀然周文日昃六  
詩人結彭西漁社聯爲行看子

金時敏字遜修少從周簪谷游有詩名後易名奇逢寄籍沙  
河食餼朱太史日下舊聞校勘弟子有沙河金奇逢者是也

未幾棄去八籍錢塘名大海年八十餘卒著述甚富惜未流布

周啟字文日號藍田篋子太學生工時藝性懶散不自飾而文辭曲折善達人意丁公思孔撫楚令作啟事大稱賞以爲奇才丁嘗問獄有兩可者如何對曰罪疑惟輕丁深然之署中燕客皆一時名雋啟年少坐下座丁親以壺斟其杯一座盡驚

周永日篋姪幼失學自能讀書間與塾師語屬對輒工長而能詩同啟客宣化與范公時崇相倡和以酒致疾早歿范公總制浙閩欲刻其詩廉之不獲棄名漁莊

周岳字天昔號愚村朱願爲贈詩云小楷鍾王錄斷編家貧不用買書錢如君好古真成癖銅鑄詩人事浪僊

金介復字俊民號心齋康熙戊子副車湛深經術嘗從朱李

諸前輩游著述頗富弟子問業者甚衆李制府遜麓選刻梅

里詩鈔皆出其手

補春風錄金介復與李懷林茂斯繆其器受茲陳杲秋圃徐羅然兼六周啟文日金

志聖恒夫金慈志孝堅

繆千萬爲元老會

朱稻孫字稼翁號芋陂晚號娛村上舍昆田子歲貢生薦充

春秋子史菁華兩館纂修議叙州判雍正中聘修浙江通志

乾隆改元 召試博學宏詞後薦修三禮不出好以壽文會

友身雖不達名重壽林矣

李宗潤字秦川號稔鄉康熙癸巳中式能詩見賞於王文簡

朱檢討與秦襄六李筠孫徐佐仲周尹陳介平于賢補春風錄作于

野爲賢關七子補梅里詩輯宗潤我郊子除永昌知府未赴

詩十二卷古體居其九海昌查編修慎行推爲畏友

李宗潮字坤四號蕉窗齋院陳常子乾隆丙辰舉博學鴻詞

中順天鄉試 召試報罷以薦入律呂館選授廣西灌陽知

縣卒於官有師竹齋選房行行世補梅里詩輯宗潮文采風

不合意輒掉臂竟去嘗和阮籍詠懷至百餘首

周雍齊字希安號蟄齋岸生學宗姚江所著有易說洪範原

古等書子崇敬字元夫能作山水客死江西遺棄無存可惜

已

李振鷺字雲客號友鷗徵士良年曾孫志行高潔詩極和雅  
工書似歐陽率更隸摹鄭固禮器諸碑補從弟雋庠生亦能  
詩

何鎮字象山郡庠生家貧攻苦至性過人惜早卒

王鴻字字澄之號蕉園郡庠生少孤家貧苦志力學詩極清  
澹補友人楊世清攜其藁合朱菊墅翰宣陳北舫源詩刻於  
豫章源業賈能製硃花箋里中能詩者皆與之游司志鴻字  
與從兄湘

族弟澄並  
以詩名

金權字夏占自號三蘭君質穎異早通經史著九經備攷惜

未卒業年止十七卒

許燦字衡紫號晦堂邑庠生父雲龍任甘州參將卒於官燦甫三齡隨母扶柩還里弱冠能文雍正甲寅以父任內辦駝核減案到甘對簿會 詔賜豁免而還益淹貫羣籍教授養母耽詩苦吟得其精蘊後客豫章數年歸卒於家

楊漢籌字載承號懷貞庠生孝讓先生仲子治詩經嘗以朱傳與毛鄭不合博采先儒之說輯詩義貫元一書祖母故時曾投牒有司願傳父重學使雷公許其終制兄漢中工制義弟良字天一能詩惜俱早卒

王燮字理齋庠生知縣閻公銑曾遊里中之能文者每月朔

望課於市南張氏宗祠君及余兄漢籌皆與焉雅慕東坡摹  
著展圖寄意

戴春林字炳元岸生著輿地一書甚精詳

李旦華字憲吉號厚齋優貢生留心經術兼擅詞賦學使  
公光勳稱其學問爲第一乾隆丁丑壬午兩應南巡召試

俱欽取二等游京師轉客中州屬疾歸卒年二十有九

**補**屠焯字昭仲明靖子諸生承父博學之傳又與從兄燝相  
切磋多聞淹洽人比之章如愚鄭樵其持身不苟規言萬行  
以道自尊尙書杜璘燝門弟子也於焯執禮甚恭相見必侍  
坐曾應其請因一至京師足跡不及諸貴人之門

司志



褚醇字澱爲號嗇齋勳孫邑庠生時值多故所作詩多感憤之作王翊屠熿皆稱之弟越字今遠亦善詩

曹山秀字中峽幽浜人幼習詩補諸生與朱彝尊讀書烏木橋村賦詩日酬和山秀有詩曰魯連思蹈海申徒欲沈河猗嗟古之人不爲世俗阿俄而盜劫主人居山秀與弟俱投河弟竟死鄉人以爲詩識自是不復作詩久之至京師旅食淨度寺著散懷錄自遣尋以病死

司志

繆其器字受茲號倦鋤處士泳弟讀書敦行以兄爲師詩篇

雅正不失唐音

梅里詩輯

吳拱辰字荆倩邑庠生抱道自高詩體淵穆明靚梅里詩鈔

錄其詩漫作云游倦已經輕婦織食貧今始教兒鋤又賦得  
真字云故里形容愁獨老暮年骨肉感誰親蓋老而窮者天香

錢

史宣綸字王言號綉溪教諭遇子天才絕高文采風流有聲  
藝苑惜著作燬於火僅有存者弟翼經字人肇號頤菴才藻  
遜伯子而蘊藉勝之宣綸子克恭字左民翼經子先震字卯

君俱工詩能繼家學

梅里詩輯 案詩輯吳準菴郭龍威李  
夢白金收叔崔止菴孔昭素史伯子仲

子爲萃  
圓八子

李光基字季奕號奕菴運使衷純子工詩澹雅和平有自得  
之趣嘗輯同時諸子詩爲梅里詩鈔今鈺本罕流傳矣

李琇字補山學博明啓子歲貢生授蕭山訓導遷縉雲教諭  
抱負恢奇詩多傑作子宣字景濂諸生亦以詩稱司志

李潮偕字元洵號觀槿先高祖也太學生幼承家學工詩字  
法趙吳興與朱西峻史卯君錢其相徐菘塏張崙緒族嶧山  
開遠諸先生爲漁社八子子菊房莢房竝能傳詩學數填諱

戴彥鎔字貢九以貢授會稽教諭興修學宮捐俸爲諸生倡  
能詩弟錡字坤筮號碧川太學生工詩詞游朱檢討之門與  
沈寅中朱珣叔輩齊名檢討序其詞謂兼南北宋之長後主  
金華麗正書院從游者衆贈有麗正儒宗額鎔字淑章歲貢  
生擅詩古文精書畫與檢討父子往來唱和築暖翠浮煙閣

讀書其中公錄字紀山國子生考授州同知工古今體詩兄弟間多賔酬之作公錡字嘉會拔貢生亦工詩文時稱戴氏

五子

司志

王滋字上陶早游朱檢討之門與沈翼交宸篤人目爲王沈

同注暴書亭詩未就其評定義山詩大具慧解

梅里詩輯

朱琪字珣叔貢生授衢州府訓導雍正中引見奏陳水利

稱旨擢江南通判攝知江都縣以廉能稱罷歸耽於吟詠

少從朱檢討游稱其好學爲作芷閣記以表其讀書之室

伊志

春風錄朱琪與李成大開遠崔文鑑鹿城屠金鉉耳黃王廷元茂宰丁德文徐掄元不夜陳志強介平吳允茲孝則

爲後九

老會

徐懷仁字元仲明經燦然子郡庠生爲朱檢討弟子肆力於古學與同時諸子相切劘所作詩詞言琢句鍊皆取法古人

典雅精深可以垂世

梅里詩輯

陳志異字介平號長畝庠生性醇謹惻愍無華以古文自命得歐曾矩範詩不多作亦讀書人吐屬

同上

李光暎字子中一字組江太學生平生無他好惟多蓄古書及名流筆墨遺跡尤嗜金石文字搜羅攷訂不遺餘力所收搨本視曹溶古林金石表不減其數嘗輯金石文考畧行世子知敬貢生精賞鑒善書法孫三才四維並能詩

司志

戴源永字滙長公鋤從子雍正己卯舉人授文水知縣改永

嘉教諭以詩法啟迪士子弟源潮字江信廩生同居荷花池  
一以詩名一以文名從弟源仁字守純歲貢生各授徒於里  
之南北及門皆盛源仁年八十餘授處州府訓導

李宗淮字桐源號墨巢觀察我郊子性孤介有潔癖落拓不  
偶詩揮灑騰踔不事雕飾生平酷嗜空同子故又自號小空  
同篇什甚富後客維揚黃水灌城棗盡漂沒存者僅什之三  
李炎字明揚號畊雨邑庠生性孤峭不循時好喜爲文一日  
構數十藝皆有妙解詩才清麗尤工於詞嘗養病妙香精舍  
與人酬倡無虛日

詞緒

丁錦字觀文敦行力學嘗纂錄諸經疑義及史鑑故事窮老

以終孫子復字誠之廩貢生砥志讀書博覽文史所作詩古  
文清峭刻厲並有家數

李稻暉字耕麓號蛻菴庠生性伉爽學問通達歷游幕府傾  
倒一時詩揮灑渾脫能去纖穠之習

王焯字少凱號碧山雙弟少負傑才與兄竝以詩文名於時  
尤爲學使錢公總城所知以選貢入成均丁酉舉於鄉授鎮  
海教諭不數年卒

金標字養真號魯迂居鶴巢村澹泊寡營耕而且讀詩真樸  
澹遠得陶草意旨

楊謙字子讓號未孩郡廩生恂恂儒行好讀陸清獻張揚園

之書工詩文擅隸書又於朱檢討爲同里後輩知其事最悉  
爲撰年譜注暴書亭詩行世子蟠字旋吉廩生亦工詩詞能  
繼其學

李蘭字香林號采芝少有文譽與從兄春浦淦族孫湛淵清  
華暨王碧山焯張蘋洲大經輩結愛吾廬文社一時稱盛其  
詩格在新城秀水之間己亥舉於鄉旋卒從兄澄字蘭有號  
篁園邑庠生明經宗仁子工詩律尤嗜倚聲體物賦事兼有  
南北宋之長

李國華字申之號蕙浦郡庠生先考也少從敬堂從祖學文  
章瓌偉有根柢詩歌詞賦址繼前軌山右陳公夢說以部郎



督儲浙中知交最契往來江淮間輒與借途中酬倡甚多尤  
工書深得褚河南楷法生平尙道誼志操峻潔不苟取與人  
以比晉范喬云

貽德填諱

張大德字敬輿號蘭皋學有根原與王碧山諸子掉鞅文壇  
互相雄長詩極溫潤可愛任甌郡淳安訓諭從學者甚衆叔  
子昌衢字步康早歲失怙與兄若弟刻厲讀書研究經術兼  
擅詩賦領鄉薦逾月而卒人咸惜之

沈世德字夔光太學生耽吟詩與楊未孩周擷華諸人爲詩  
會晨夕倡酬就正於許晦堂燦生平專力於此故所作甚夥  
弟世昌字振安太學生負才重氣誼亦能詩湖南彭廷梅流

寓禾中相見甚契合錄其詩入所輯 國朝詩選中

馮元曦字天衢號花橋少問業於錢百泉太史金樊圃學博

與里中諸子結文社每一藝各樹標幟恥爲雷同剽竊之學

後游山左與修泰山志客淮爲謝蘊山觀察所重戊午舉於

鄉性尙義好施敦睦宗族詩嗜東坡自定橐千餘首

已上俱補

續補李貽德字天彝號杏村孝廉蘭子嘉慶戊寅舉於鄉少孤

讀書過目成誦博覽經史聲譽頗著高郵王尙書引之深於

經義貽德出其門相與辨難攷證最爲契合陽湖孫觀察星

衍所纂十三經佚注貽德實分任之平生著述甚富兼工詩

嘗念母氏苦節作述哀詩十三章聲淚迸下感人最深

張郁周字天錫號蓮舟廩生與弟昌壽昌衢昌科並擅文學皆早卒郁周授徒鄉里閉門奉母米鹽瑣碎躬自理料素與史茂才大勲馮教授登府同學以讀書考道相砥礪歿後教授爲立傳稱張氏有才子四人焉昌壽字北海諸生工衙推術昌衢附詳父大德傳昌科字杏園諸生以孝友稱

屠雲堯字望之諸生與馮登府周鳴盛史大勲爲梅溪四子故屠號梅西馮號柳東周號桐北史號竹南相與爲友以道誼相切劘雲堯於推步歲差星舍諸法尤極研究善畫工詩齋中讀書諸作綽有議論具見力學之深

汪澍字霖若號一江以能詩聞素病肺疾作而學不輟爲詩

清雋淵穆高出流輩最爲嘉善黃太守安濤同里馮太史登府所稱性疎嬾布衣芒履偃蹇一世歿後無嗣

王炳虎字文也號秋坪文學鴻字子邑諸生以詩聞於時與李大令集楊茂才謙時相砥礪弟啟曾字南田諸生亦能詩尤長倚聲

張之棟字敬軒國學生天才敏達抱道自高里中諸善舉尤力行不倦能詩善草書學懷素而得其神似弟之梁字文石監生亦能詩長於七古雄渾近昌黎

李富孫字旣沔號薌芷嘉慶辛酉拔貢受知於儀徵阮文達元諸城劉尙書環之與兄趨孫從弟遇孫亦稱爲小三李淹

賈經術各有專長富孫著作較富其前後鶴徵錄曝書亭詞注等著風行海內尤爲藝苑所重

李文賁字箋園孝廉貽德子幼穎悟博涉六經百氏之學以詩文名每握卷閱竟則棄之人質之成已成誦焉道光乙未舉於鄉屢試春官不第館京師卒年僅三十六所著多散佚子保蔭字硯君庠生克承家學遭亂而貧不奪其志以病瘵卒

馬洵字伯泉號小眉監生納粟授道銜先世自海昌遷居梅里家饒於資凡遇荒歉賑濟必慨然樂輸喜羅金石書畫陳列左右闢文藪山房延四方名士吟譙爲樂海昌查揆吳江

郭麐悉與爲友詩旨典雅瀏亮嘉善黃太守安濤定其遺稿以傳

馮鏊原名蕙蓀字鉅厓號蘗霞諸生刺史馨姪少擅文譽尤工駢體嘗橐筆遊四方客死山左

沈愛蓮字遠香徵士學詩孫國學生以詩文名兼善醫慕范貞簡之爲人故署其居曰小靈蘭館嘗賣藥禾城與秦孝廉光第孫茂才融定文字交所爲詩清遠縟麗最爲宋廣文咸熙所稱尤留心文獻嘗合李明經富孫所纂共得一百五十四家以續梅里詩輯上元朱司馬緒曾涖治嘉興時鑒定行世子文治字子清監生詩承家學性落拓嗜飲年甫逾壯相

繼病卒次子福年殉難別有傳

張光泰字丹芝上舍之棟孫廩生力學砥行早有文譽桐鄉嚴氏太史辰最重其品學延課其弟太史從弟明經錦刺史鈞亦以長者事之年六十餘以厄窮終既殮惟遺殘書數篋貧不能葬從學者率私錢瘞于祖塋側

沈暉吉字虛若諸生能詩出入唐宋不落前人窠臼生平勵品行慎交遊非其友恆拒而不納同里李觀察文杏出其門風塵未遇之先早以偉器期之也

李壬林字申庵諸生性孤介力學勵志授徒鄉里晚年潛心理學謹言動慎交遊斤斤自守以著作自娛詩文亦真率如

其人



隱逸

補范史叙逸民傳其志潔其行芳皜然泥而不滓洵超出於塵壒之表今叙列數人雅尙孤峻抗懷絕俗亦可想其高蹈逸致云

明

李衷元字澹然郡丞芳從子少好學喜任俠不樂仕進高隱梅谿以吟詠自適戲寫蘭竹花鳥落楮人爭購之友人以功名勸者笑而不答

湯志

朱一是字近修又字欠菴崇禎壬午舉人嘗往游吳太史偉業之門婁東張采張溥二先生雅器之自海昌徙居梅里披

緇衣教授嘗自言他人之學多得於書余獨得於友他人用

誦讀余用談說性有所近不可強也絕意仕進以述作自娛

文頗古雋有史論等著補何志一是早年名重復社入都欲

人口與同里屠  
熯范路稱三友

國朝

屠熯字闇伯號勗齋從王蓮人先生游招入敬盟張楊園鄭

濯師蔣丹崖李霖叔山顏共二十五人補春風錄敬盟十六

開美鄭雪昉濯師蔣薰丹崖錢千秋真長張履祥考夫王庭

言遠范路遵甫李明齋石友李明菴山顏屠熯開伯李光垓

霖叔許志古力王之梁雲涑或後棄舉子業隱居教授研究

理學弟子益進後入粵客死端州補司志屠熯明謙子少孤

母褚教之爲諸生事母至

孝立身尙氣誼本諸踐履發爲英華於師道特尊弟子從之者日衆與朱一是張履祥講學時共推之旣而從相知者問游數年歸又入粵卒子達諸生篤孝友授經之業盛與曠幾

王翊字狝父號介人父順甫家故貧業染日坐闕閭間一手挾古今書以觀一手數錢與市販菜傭相應答飲少而嗜酒屏絕慶弔自處名教外有詩文高自矜詡好製曲作統扇記忌者誣以詆毀里紳訟之官家計日落然詩日益有名旣遭亂多感憤嘆咤見之篇章張深之北方名賢賃居南湖每置酒召客伎樂雜陳翊輒散髮赤足叫呼號嘯雖巖客無所避人多以禰正平杜子美目之游山陰與陳章侯善王季重見其詩嗟賞焉陳臥子作序謂有盛唐之風其春槐秋槐堂集

共千餘首壬辰舟次贛州被盜皆沒於水深自痛惜每終夜擁被記憶後入粵惘惘自失復作二百餘首買舟而北其橐又爲鼠齧不可綴補益不樂四月泊京口無疾而卒朱彝尊

曾有選鈔一帙其第庭梓之以傳謂其風尙沈雄閉爲和厚

幽淡之句不可一類求也

詩繫補明詩綜詩話啟禎之間大雅不作介人專尙唐音毅然以

起衰自任入越謁陳推官臥子方置酒送客介人詩有前路夕陽外行人春草中之句臥子擊節曰此今之高三十五也爲序其詩詞旁精詞曲有博浪沙諸傳奇頗沈自喜何志翹本狂者操行高潔張豕宰俱言嚴司李正規先後欲官之不顧與里中諸子相倡和因有梅里派之稱

周質初名筠字青士號簪谷隱於市讀書闔閭日盡數十恣好交與從肆中得錢輒以餉交更嗜方外游嘗於元日訪

臯亭僧靈臯雪深數尺徒步行亂山中見林際燈影始達精舍僧方煨芋共啖之晚年館武塘柯氏偶步城東見一農舟遂乘之游九峯訪諸乾一幕至泖上以路歧登岸投一菴菴僧力拒徘徊佛燈下忽覩壁閒詩刻指曰此周青士卽予也僧素驚其名乃止宿焉其作詩低頭沈思行街市中若無所見曾在白下禪廬往來池上僧疑其赴水竟夕不寐又嘗行吟慈雲寺中誤觸當事輿詢爲詩人乃免康熙丙寅太僕色冷聞其才延之入都執禮甚恭居久之諸津要求其一刺不可得了卯龔御史翔麟載與南歸抵淮而歿同上 補司志 實遭亂棄舉子 業就市廛賣米撥亂書糠粒中吟誦不輟人有匱乏必應其請由是生計日窘往來嘉善桐鄉以詩格授人古文出入歐

官惜其散佚世無知者詩  
為真趣流行清超樸淡

繆泳字天自原名永謀字於野祖冰壺父孟思皆以博洽能  
詩著弱冠補邑諸生數年後遂無意進取提學使者至檄就  
試竟棄去不赴隱居授徒歲乙酉嘉禾值兵亂死者浮尸蔽  
河君行見之惻然自竭資斧設法瘞之仍標記其衣及貌以  
待辨識長於詩補伊志永謀學問該博象緯律呂醫巫諸學  
咸究其精嘗撰嘉禾文獻錄未就詩尚風格  
與雲間  
相近

范路字遵甫自蘭谿遷長水舍以履潔博通古今發為詩文  
多見道之言歲大饑有族弟思攜妻子鬻身以求活路聞之  
同飯糠粒不以為嫌賣藥於市築靈蘭館歿後鄉人私謚貞

簡云

補明詩綜詩話遊南潛心性命之學海鹽張處士瑛白方講學硤石山謂晰明德格物義有未安別爲講義示

字者晚賣藥長水市乍愚乍智人莫測其所詣云春風錄記路宋一是屠癩褚醉吳拱辰李鏡先古力公王之梁爲八

郭維垣字大邦號畊隱萃橋之北安貧賦詩家人告瓶罄

不顧也善醫頗能濟人不責報至屢空云

補春風錄郭維垣宜春令哀采之孫

研究方書好爲貧家治病富室延之輒不應與李枝復慎行程日華安行稱歲寒三友

許煥字振武號牧堂詩尙唐音有衡門流憩諸集善大六壬數曾賣卜於里西之茶亭家無甌石不以累人竟我窮死

補繆師伋字孟思文學崇正子終身處約取捨不苟親戚富貴者或經年莫之過其學亶亶不窮閱爲詩歌取旨怡悅不

輕示人所居堂三楹以葬其父母蓬戶蕭然有自得之  
鄰苦徭役貧不支每代之輸不責償里西偏多盜相戒勿

其室

司志